

明獻徵錄


八十七

百十二

一五七	二四九	八九七	漢書門
冊	架	函	號類

元七	八九	漢
函	一五七	書
三	冊	號類

內閣文庫		
番號	漢	8987
冊數	157 (108)	
函號	287	153



綴じ部(喉部分)の文字など開きが不鮮明な箇所あり

焦太史編輯國朝獻徵錄卷之八十七目錄

江西二

知府

淺草文庫

葉宗茂

郎敏

楊任

翟溥福

葉祗

王昇

李繼

金潤

張弼

李良

陸廣

周彥


顧瞻

鄧應仁

狀後保

卷八十七目錄

一



廣
曠璠

蘇錫

宋以方

祁勅

徐灝

陸化淳

同知

王佐

張璣

通判

朱諫

曾興

康河

張紘

蔣坎

施奎

推官
施堯臣

黃尚質

知州
林萬潮

劉脩巳

知縣
顧光遠

知縣

俞貞木

張彥方

鄧顥

吳源深

范琛

仇相

湯建衡

縣丞

李恭懿

教授

黃勳

張時宜

教諭

陳雅言

陳賢

訓導

金固

劉子欽

唐欽堯

目錄

焦太史編輯國朝獻徵錄卷之八十七

江西

知府

序故葉太守宗茂事

新安葉宗茂有清才年僅四十有四卒于金陵邸見聞者哀其遭時之不禍也爲之賦詩而其里之老友朱升爲之序序曰宗茂葉廉翁之子也生二歲移家于蓼自幼具以敏給聞稍長治進士業從余復卿先生學戴氏記歲丁亥歸就鄉籍試有司明年予歸自燕山取道至蓼訪之後五年淮兵起宗茂避地歸鄉

兵旋至蹂郡邑宗茂從鄉兵奮禦柵能後四年江南
開省或薦之起家知婺源州時州境未定非美官也
既而鎮戍官適前從統鄉兵者于是上下相安得其
撫字之政再考乃代代者不善於民宗茂美聲益遠
播矣使說蜀說所長也既而不遣使督造戰船事集
使守饒饒境接婺源民權其至戍將與之不協不久
罷去謫濡須二年讀書治藝不戚戚或又擿其所督
造船不善重得譴去年使城築所賦尋仞十倍其家
產不給也子仁效緹縈上書得免今年夏以病終嗚
呼宗茂而止于斯邪宗茂風神秀徹言笑媚好讀書

史不數過成誦爲人北方解說無不喻者隆師公
好賓客急人貧難有國士風作詩有思致多所論
滔滔不厭倦一時欲有爲于世者往往以器略待之
然而天性率直不能曲爲謙退推讓以苟悅人視已
之善如人之善視人不善如己不善非古心古道之
士不能不相齟齬宗茂之得譽毀以此楊子雲曰世
亂則賢聖馳驚而不足世治則庸夫高枕而有餘亂
世之氓困于供億仕則困于責任不能集事者得罪
而禍亟集事則事愈歸之田兵錢穀撫綏應對豈一
人身所備一不善卒不得免焉使宗茂之涉世也得

三四十十年不亂卒其經業名進士也展其政事良有司也又加之以年壽斂華而實為賢公卿鄉先生以善後來使衰老者得所倚賴豈不甚善而乃止於此豈特其一身一家之氣運邪始宗茂從予游與婺源俞仲謙偕二人通家昆弟出處必相從仲謙能以義相正若不相能也宗茂既卒平生所與善相附者衆而能存念其孤永其身後名者仲謙一人予故雖以宗茂能得友古心古道未始絕無人自慰而重念人間世之可悲也嗚呼宗茂則已矣吾與仲謙何時而巳邪

饒州府知府郎敏傳

實錄

郎敏河南濟源人洪武七年以國子生選入武英堂紀事授監察御史九年七月以能陞饒州府知府敏為治廉明有惠愛樂平縣民有訟闕訴邑大姓五十餘家謀逆者詔指揮潘某率兵往捕之兵至饒敏驚曰樂平民素淳朴未必有此吾為郡守不可使民死無辜請先往察之至樂平民皆耕牧如常時敏廉得吉者乃無賴子素以假貸不得怨諸大姓故重誣之冀獲賞耳敏還白潘初不之信自往察視故如敏言於是各以其家長至京辨其誣詔遂釋諸大家誅妄

[Faded vertical text, likely bleed-through from the reverse side of the page]

袁州府知府楊任傳

忠節錄

楊任浙江嘉興人母章氏初生任有胡僧過之聞啼聲歎曰此兒異日必顯終不免刑僂耳任性至孝嗜學洪武間由人才擢知袁州府黃子澄一見以國士許之守袁政多宜民北師起任引疾歸壬午事定子澄出徵兵往約蘇守姚善航海去善不可子澄乃至任家與任謀求舊君圖大舉事泄任與子澄俱被擒至京磔于市任子禮坐死籍產族誅凡九十三人任姙屬金莊章范諸姓發戍邊者又百餘家云

粟及收漂流官木者百餘人前守論以強盜悉寘重典溥福盡杖而遣之闔郡服其明封壤瀕湖舟楫苦風濤無栖泊所遂捐俸築石隄延袤百餘丈舟人稱便後共立廟祀于隄上政暇遊廬山見白鹿洞書院遺址經元兵火蕩爲瓦礫喟然興嘆以爲政本在是乃捐俸率郡邑之尚義者重鼎建之延致仕何博士爲師簡民間俊秀子弟受業其中會朔望親臨爲生徒講解老稚觀聽動以百計自是郡民皆知慕學考績赴部以老疾辭侍郎趙新嘗巡撫江西知其爲人甚詳厲聲曰翟溥福江西第一郡守也豈宜遽退懇

乞累日始得謝事別郡之日父老以其清貧爭持百金餞送溥福力辭不受皆挽舟涕泣不忍舍因畱帶立廟祠焉又配饗于白鹿書院之二賢祠三賢者唐李渤宋濂溪晦菴也後并祀賢守號六老堂年六十六卽投老歸杜門却掃惟觀書教子孫講誦而已足跡不到公府口不言有司政令居官三十餘年俸祿盡損以營公務故家居田宅絕無所增平生廉謹剛介始終一節庭庭蕭然清貧自甘年七十一卒論曰儒生擅文墨而忽公務俗吏事簿書而急操切迂且鷙之過也鷙則瑣瑣條貫於風化罔所裨迂則惰玩

覬望而下緣爲奸夫條貫之稽而風化之遺弊端莫究而奸利緣起此守令所以難其人而民受菑也秉公廉則不鷲任禮教則不迂若翟溥福者得之矣入國朝東筦號多賢而鄉評謂溥福爲最驗諸厥施信哉

江西饒州府知府葉公砥墓志銘 王直

公葉氏諱砥字周道更字履道蓋楚沈諸梁之孫以所食采爲氏居南陽至晉有諱儉者爲括蒼太守因家焉其後又徙上虞高祖萬曾祖明祖某父良玉皆不仕公天性明粹喜讀書早喪母童氏又喪其父皆能以禮居喪不惑於流俗嘗受學鄞陳文昭樞李鮑仲孚二先生皆元故臣博學有文章嘉公篤志爲之傾竭底裏由是學行大進洪武庚戌公以明經取進士第得定褒縣丞兵荒之餘民未安業公勤於撫字流亡來歸乙卯坐累謫涼州公處之泰然曰吾無愧

於心足矣日杜門爲學有詩寄子曰不須詢遠道窮
達信乾坤更號坦齋又號尋樂作賦以見志士大夫
謫居者皆宗之守將西寧侯宋晟亦延致家塾爲之
師已卯求賢陝西按察副使羅某歸江知府劉鵬上
虞知縣李惟忠皆薦其學宜任史事遂起爲翰林編
脩又有言其堪任風憲者復陞廣西按察僉事用法
平恕獄無冤滯吏畏而民愛之嘗兼縮三道印出按
郡至遷江會洞獠數出沒爲害吏民次道去上
以無備諷公請少避公曰我去汝縣官必遁民何恃
以安卽命料丁壯立保伍寇來併力禦之彼豈不畏

死耶頃之報益急公下令如故不爲動寇亦平
至永樂初以吏事被建籍其家惟薄田弊廬故書數
篋而已事白還之仍命與史事書成改考功郎中公
進退人才品第高下小大各適其用尚書蹇公一以
藻鑑任之他不溷以事會脩永樂大典徵天下名儒
命公爲副總裁稽經考史無不愜當仁宗皇帝在東
宮緝熙聖學擇儒臣侍講論公預焉其言于上者必
堯舜周孔之道非是不以陳爲郎中九年俾食四品
祿職如故公重聽誤以爲授他職上親灑翰授之至
今寶馬久之公引年求去不許乃自言於吏部曰砥

老矣猶叨祿在朝人將謂何上若不棄願得一小郡
牧民庶報效萬一吏部以聞卽拜饒州知府公先教
化後刑罰與利去害摧姦植柔民無愚良不愛之如
子水旱爲災憂若已出每齋沐致禱必獲有年人以
爲德之應郡故有磁窰銅冶而丁調不減他郡公爲
力言於布政司得減四之一時方營造工之受役者
當給糧贍其家布政司下饒州於遠輸內留八萬石
給之公謂非戶部意不可衆譁然利其便請必從公
終不許未幾部符下他已入倉者皆反之民使遠輸
勞費彌甚衆乃服公明決皆拜謝布政司亦自愧其

所行凡再述職京師皆以恤民隱革弊政去汙吏爲
急然謂饒之風俗厚其民易化有訟者必以理論不
付曹民知公之愛已也多悔悟而罷有婦代前夫子
訟蓋欲資其後夫公揣知其故窮詰之以母子不忍
爲詞公曰爾不忍悖其父而從人耶婦慚伏逸去由
是無理者不敢至其庭訟簡刑清民歸德焉戶口增
至萬三千士之取科第者加數倍於昔公年益高而
燭理益明遇事亦若無足爲者嘗賦詩以自適卒丑
八月有疾作書戒子孫以睦宗族和戚姻重義輕利
毋貽譏於後世尤以不能報國恩爲慊是月廿一日

憲善樂施凡親戚宗黨有貧乏者婚姻喪葬之不能
舉者悉傾囊助之生平澹然無欲惟養一鶴自隨暇
或鳴琴歌咏時人蓋方之趙清獻云

南安府知府封南京刑部右侍郎金公潤墓碑
弘治癸丑夏致事南安府知府封南京刑部右侍郎
金公卒於家明年甲寅公之孫鄉貢進士麒壽援例
以卹典奏請于朝上命工部營葬事遣南京禮部
致祭于家公金姓諱潤字伯玉靜虛其自號也曾祖
諱仲實祖諱銘世居錢唐國初以間右實京師占
籍上元考諱鑑號安晚翁贈通議大夫南京刑部右
侍郎妣姚氏贈淑人世有令德慶鍾于公生而器識
穎敏甫若齒父母教之詩書應口成誦年十二從安
晚翁遊華陽洞索紙賦詩人以神童目之尋選充郡

庠弟子員銳志經學正統戊午登應天府鄉解搢紳長者多忘年樂與之游春闈卒業胄監授司務兵部以宏才雅操爲大司馬王公驥徐公琦鄺公瑩于公謙所器重凡軍國大計公多與聞所言屢中事機諸公益竒之有言赤斤蒙古地產異物可資軍用者議欲取行之公言昔有小校顧誠者因凍餒嘗獻其伎遣用於邊主將失卹誠亡命佗處使彼知此以誨夷狄貽患非細柰何啓其端也事遂寢已巳春公見北虜瓦剌勢熾潛謂于公曰閩寇鄧茂七不足慮可慮者瓦剌也秋必入寇宜預防之旣而見鄺公鼻準隆

起知其弗祥時內閣曹公亦謂公曰天下事某未盡知君宜有以告我公感知已爲之盡言多見采用其時尚寶丞夏公瑄主事王公偉咸負用世才慎許可獨深契公每談國計至竟夕忘寐是秋虜也先犯邊車駕將親征公白鄺公白小虜不足煩 聖躬公盍一言鄺公愕然曰事急矣柰何爾爲我白王冢宰胡宗伯二公公往言之遂率諸司聯章上陳不報未幾將臣失律 駕畱虜庭京師戒嚴公卿相向而泣公白于公曰大丈夫臨危授命正在今日豈徒自經溝瀆耶當獎率忠義之士養銳詰兵堅壁清野以待之

使彼進不得攻退無所掠不數日當遁去矣于公枚
淚謝之於是召募義勇數萬人以守虜入知我有備
且無掠食果遁去有言置藥水草中可毒虜衆人馬
公曰祖宗以天地之心御四夷虜猶背德寧有藥
毒可禦侮耶不果行于公問守衛大明門欲青瑩
木刀爲杖如何公曰刀劍用金利器也今用不利之
器守衛可乎于公卽奏閱武庫取國初兵器用之
自是軍容復振明秋虜服罪奉駕還京群臣出迎或
疑虜有變趨起不敢進者公曰主憂臣危臣子於君
父所在可畏變耶遂出迎拜時謂于公有翊衛功實
不知公贊襄居多公不自伐也未幾擢公知兩廣
公往竭心郡事凡興學勸農省刑薄賦養老尊賢以
至樹蓄溝洫之務靡不脩舉先是境多虎害公檄城
隍神俄一虎自投檻中羣虎屏迹不踰年境內大治
民愛之如父母九載秩滿當遷民無老稚咸遮道攀
轅留之吏部考最將膺鴻漸之用時公季子紳仕刑
科都給事中屢摠忠蓋納說犯顏日被寵顧公嘆
曰仕宦貴知止足吾有子行吾志矣吾其歸乎輒懇
乞致事時春秋方六十有一聞者咸高其風後給事
陞南京大理寺左少卿再轉刑部右侍郎公兩受

肅後錄 卷八十一
誥封中議大夫贊治尹及通議大夫南京刑部右侍郎既而侍郎爲公構保節堂蒲石軒洞天清賞及永貞別墅歲時偕卿大夫捧觴上壽以爲慶鄉人榮之自是海內致政諸君子如大司馬王公茲咸邀公入耆英會繪圖賡歌輝映今古蓋慕公父子之賢也無何侍郎公卒孫麒壽舉鄉貢進士孝養備至公日與賓從娛樂忘其身之在老境也弘治癸丑春一夕公就寢鄰火將延公屋家人奔欲移公公止勿怖但指心籲天火亦尋滅久之公疾作一日起坐賦詩如常俄整衾熟寐而卒時七月二十五日也享年八十有

九公天性孝慈爲鄉人取式胸次高朗澄徹端居一念可對神明其視得喪榮辱若寒暑代謝於前而心不少動待人有誠喜接引士類雖高年猶清談麈尾不倦興至輒鼓琴賦詩嘗製伊尹操以况其志時或寓筆山水間天機所到咫尺萬里人皆寶之涉獵六籍子史傍及天官地志兵法聲律醫卜之學靡不究而通之所著靜虛稿外稿南山十秀集凡若干卷文章冲澹雅則有古作者風尤邃於易嘗畫圖爲解及著心學探微十二卷推明造化人事之迹鈎玄闡秘殆有功於康節邵子云

童軒撰

識鑑精敏以官建陽歲滿超遷國子獎掖賢能賑恤困匱表然出其倫輩公卿貴人無不知其名者余每奉制有事于廟學見君蘄然在儒師中心恒識之會詔多官各舉所知以補郡守余遂以君名應命下擢吉安府知府時閩浙寇起屠劫其鄉聲聞遠邇吉安無藉貧民乘之攘奪巨室之粟者邑不下數百人更數日不戢相扇而起有莫知所至矣君適下車不暇上請卽督兵擒獲其首事者十餘輩皆撲殺暴示九邑閩之帖然安輯而復除察平日惡聲著聞其勢終不可遏者如吉水劉蘭秀萬安郭効輩數人悉置之法由是毫奸斂跡無復有肆惡者人以爲得古人刑亂國用重典之意儻人有以此爲其罪訟於朝者余復爲陳其故得以辯釋還官未及一年脩舉廢墜作興學校賑恤饑貧民方蒙其豈弟之惠而以母喪去官士民皆欲乞畱而不可得於乎君其吾邦之賢大夫孰計去而竟不可起而余爲之表其墓耶生洪武庚辰九月沒以景泰五年五月年五十有五君性軒豁而志有爲使其得志有永將如神駿之驟長坂殆無復顧夷險而莫之能禦矣惜乎天賦之才而嗇其壽詎可使其見於設施有足尚者之不自於身後

用君貴贈兵部主事母胡氏贈安人君少穎異過人
既壯以詩經領景泰癸酉鄉薦登成化羅倫榜進士
倫以言事忤宰相去國君作詩慷慨送之未幾拜兵
部主事轉員外郎久遂有南安之命南安兩廣要衝
大山長谷亡命嘯聚爲民患者衆君下車悉捕滅之
尋慮民之貧而勞役弗息也亟請諸當道者俾均節
之且得以食其力于商而橋梁道路之利因亦以時
興焉既又毀淫祠百數十區爲社學凡先哲之嘗蒞
茲土者若張九齡李綱劉元城諸公皆特爲立祠至
周程三先生則旣祠而又別立吟風弄月臺以深致
景仰蓋於教化風俗之大者其惓惓又如此初君之
外補也人咸惜之謂君者盍畱以羽儀明廷藻繪一
代太平之治君固不薄淮陽而卒有成績至是始謝
病歸歸之日民蓋相與立生祠焉歸方三年天竟不
憖遺以卒年六十有三而已惜哉所著有鶴城天趣
清和慶雲諸稿凡若干卷號東海翁又有東海手稿
若干卷行于時蓋君子筆也君以靈識異稟充之學
問老且不倦詩與文成一家草書之妙論者至推爲
一代冠冕然世之所謂文人者類近浮薄君獨惇尚
行履慨然以風節自將雖論議間雜諧謔而往往必

以理勝故彭都憲鳳儀嘗論其天分人品學問政事有如此者而君亦嘗爲予戲評其所能曰人故以書名我公論哉吾自視文爲最詩次之書又次之其他則非吾所敢知也恒相與一笑而罷噫昔人稱趙孟頫爲書畫所所掩莫克盡知其文章與經濟之學然則君之所以自道者其亦有感于斯乎

瑞州府知府李公良碑

徐禎卿

李大夫諱良字堯臣爲人魁彥羨而軼性孝弱冠母喪擗踊五內血上嘔逆痼遂抱病終身焉少好學純皇帝時舉進士第除南京刑部主事尋擢員外郎郎中治獄不設詐善窮人情明廊簡易民以不寃大司寇重可之凡諸曹疑牒輒移決焉牒就李大夫決無不人人當意願死者歲甲辰擢知瑞州府州民故輕訟好節奸李大夫旣長法令刑理又善窮人情決獄不宿於是郡治清而豪狡屏迹矣丙午歲饑民大饑李大夫善爲長短補貸之法以捄之全活甚重民

有掘地得大窖中錢若干緡走隸欲私李大夫李大夫曰此天以活吾民耳召父老會而散之民大悅其政體約而安惠而不費務爲宏博不要近聲古稱不煩庶其近之矣李大夫讀書善推指故弱冠卽爲弟子師及爲郎時退省中輒爲學者講說循循不倦其守郡益表學官繕垣宇進諸生必親爲問難宣暢疑滯析若解觿諸生皆自以爲莫及也母喪去官尋遭父憂泣血毀性竟以疾終年五十有六任重道遠惜乎其未究也李大夫之先本是縣真如鎮人也考綱封郎中母鄒繼朱並爲太宜人娶徐氏亦爲宜人子二人緡憲憲貴加贈考中憲大夫姚恭人李大夫生有爵死有贈可謂高朗令終也已所著歌詩記叙若干卷藏于家

南康府知府陸君廣墓志銘

邵寶

南康知府陸君士弘得請致仕之三年弘治乙丑
詔進階亞中大夫又七年辛未以疾卒初君有南康
之擢也子視學江西以白鹿洞書院爲朱子遺蹟圖
惟新之顧學田歲入民逋吏竊動我稽閱聞君來則
喜謂諸生曰郡得賢守吾事將有托乎旣而聞君病
且致仕則又相顧以歎比予東歸得一再見辛未北
上君病少間力而餞予湖上蓋不數月而君訃至矣
年五十有八嗚呼惜哉君諱廣陸其氏士弘其字別
號新齋世居無錫梅李村君祖安字永寧永樂中仕

至臨清縣丞清謹有惠政於是子姓日繁析而城居
臨清生民表配趙氏有子二人君其仲也民表以君
貴贈承德郎戶部主事趙贈安人君年二十一舉鄉
試乙未卒業南雍王文肅公重其器屢稱於人已亥
丁父憂弘治庚戌登進士第觀戶部政以例歸省辛
亥還部夢不利於母將告歸適公幹江南因省焉居
月餘母暴病卒人謂之孝感甲寅成柩塋禮或賻之
過君謝曰喪具惟稱凡墓事雖細必躬諸子請代君
曰此固所自盡也乙卯授戶部山西司主事尋監太
倉出納夙夜共職計及竹木芻秣率不入於凶盜又
疏請輸賈待用無棄無闕而人便之丁巳監兌于小
灘戊午考三載還奉父母贈救告于墓己未巡督畿
右諸倉蓋所蒞地凡千餘里內鎮外邊武衛叅錯官
吏士卒及防秋戍役若干萬人皆受給于君君公平
周豫畢精殫計而持之以恒事無遺奸論者才之以
涿爲道中議闢分司寓家人焉以便巡歷或謂君曰
且代矣何庸是爲君曰苟便於事代者安猶吾安也
卒成之會中官黃順辭退莊田 上以賜藩邸疆侵
于民司徒簡往覈者或舉君君毅然請行立爲疆之
民則大悅先是畿內諸倉有伺馬菽久腐且棄或抵

數給軍往往生怨君既酌給更立輸買法平糴直給
有備無壞且省道里費以備荒賑疏上行之庚申再
考稱陞廣東司員外郎總監太倉出納於同事有紀
綱焉時京城米石銀三錢而山西輸者不啻倍費君
請令有司輸賈如畿倉菽法壬戌陞湖廣司郎中每
裁覈章奏惟民情國計先後重輕不敢苟徇是歲南
康守缺吏部上君名比命下皆稱得人君行出潞河
幼子衢溺死蓋於是病痰遂有歸志是冬疏乞致仕
癸亥得命君歸建祠堂置祭田開塾延師凡諸家政
畫然畢舉或問君官政鄉人曰吾不知政觀其家可
知已家居數年簡出慎交人鮮干以私每鄉大夫社
飲雖甚歡狎而深長之思輒形于言既醉則瞑坐待
醒非夜不就枕平居度步擇言審視詳聽几筵書策
各有常置蓋自諸生至歸自官不愆于素六

部擇郎官御史有望實者爲牧守得公等十有四人
宣入便殿面諭以治道賞實楮賜宴而遣之凡此皆
前所未有異數也公拜知温州府浙東之俗習尚華
侈巨室好事關節以立聲勢吏胥缺輸貨于官以補
之高下有價士惰廢業累舉乏人面前馬走善設間
符同規囚繫以氣相勝積歲月不得出公到官正已
率下内外有截申嚴禮制暇日課士而辟吏用所長
事務叢沓一見輒有斬斫劑量得宜訟獄小大刻期
與決多不越三日五日諸爲奸利相戒遁迹蔽政一
切改紀焉郡地邊海坍江沙漲在處不清而稅不視
業民以病告公按量得實爲更正之貧戶始復生意
他如學社輿梁之類屬有司當行者無不完繕郡以
大治屬邑父老咸嘆賢父母以爲創見府學潘生濬
以公直其藏匿逆黨之寃繪象于家祠之巡按御史
問鼎上疏旌公異政將再書考丁父封主事公憂服
除改知饒州府爬搔糾摘將以抑強扶弱而公性豪
整廉隅外見不能爲齷齪細謹態巡視九卿簞簋不
飾公恥之遂致官政而歸成化六年庚寅秋也於是
太夫人翁氏尚無恙公樂養之暇構載德堂以奉晨
昏寶書堂以榮誥勅傍列勤友齋禮賓所博古軒以

備文會燕遊之適閩藩叅政陸公孟昭爲立歸樂坊於其第十三年丁酉以疾卒年五十七

江西贛州府知府顧公暉墓碑

吳寬

公諱暉字德明世居吳中爲著姓曾祖祐祖榮皆不仕父與永樂甲辰進士稱疾不仕教授鄉里以易師終身後以公貴贈監察御史母余氏贈孺人公少孤而貧篤志問學刻苦特甚宣德壬子中應天府鄉試正統丙辰登進士第選爲翰林庶吉士凡四年授行人秩將滿用大臣薦擢福建道監察御史久之陞福建提刑按察司副使俄爲姦民誣奏事旣白猶調知贛州居官五年以老乞歸年八十五而終實弘治乙卯年月一日也公爲御史最有才名嘗理山東長蘆

兩運司鹽法宿弊頓革商人便之踰年再出巡山東
適值饑歲或建議犯徒罪以下者贖米宜加於舊公
言今米價騰踴民方不堪使乘急多取是益困之也
當如舊便饑民奪富家粟吏擬以強盜律公言荒政
緩刑殺人者宜以減死論一時全活甚衆至於吏或
不職則自布政使以下輒劾退之不少假借時太保
王公文掌都察院事以公得憲體移文御史凡出巡
者皆當以公爲法歲滿吏民奏留一年天子特從
之及自閩臬調贛人頗爲公不平而公至則方博詢
民隱專以安輯爲事屬縣有長河洞洞氓強悍不時
出沒劫掠屢招諭之而勢益熾公以爲是不示之以
威吾民終爲魚肉而已偕守臣上疏言所以勸懲
宜朝廷用其策兵至則芻糧已具士卒用命捷奏蒙
賜金織文衣一襲寶鈔二千貫以旌其勞公有治才
遇事裁決從容不動聲氣事無難易無弗辦者賴故
多訟民莫能欺若豪滑吏胥皆斂手以服人至於今
稱之旣致仕躬治家政益有條理而節儉簡靜人莫
能及雖老猶善談論每舉一事纒纒然始末不遺往
往以居官之法爲後生輩道之皆可持而行也蓋公
自入官以來凡六十年而家居半之康強自適福履

加厚有子餘慶再登甲科以司空屬考最復蒙恩進
借人以爲公榮

南安守鄧公應仁墓表

湛若水

正德戊辰秋七月二十三日南安郡守鄧公容恭先
生卒于家越二十六年甲午其門人南京禮部尚書
湛若水揭先生善行之表表者爲表于墓石若夫世
系具于家譜細行載于誌狀吾無表焉爾或曰請問
先生所謂表表者若水謂曰世詎見所謂善人如先
生者哉沉默雅飭喜怒不形言色不厲雖其學力涵
養則然然而厚得於天者不可誣也於惟先生之大
善有七焉曰敏曰孝曰恭曰惠曰威曰廉曰儉是故
穎悟天發德器夙成專門壁經人奇大器遂名邑庠

廣律金 卷八十一
發解辛卯非敏乎克敬于封君秋憲員外亦克敬于
母劉繼母胡無間于二宜人居家雍睦無間言于外
內非孝乎爰舉進士奉使孔林執事有恪不怠君命
非恭乎出宰東流載補蒲城圖難爲易德化是敦勸
農興學遐不作人六事成舉當道交推及守南安下
詢民瘼能行利害如已忻戚非惠乎鄰境盜與痛及
南安身率民兵以守以攻卒梟惡首以奠安民非威
乎郡俗健訟以義諭遣歸者數千厥有疑獄一訊立
斷民以信從期勿犯公不可謂不威也陟于南京戶
禮二部邦禮國計咸稱其職不可謂不敏也大庾嶺
南番貨攸經例十抽一軍餉是供濯以清介前弊悉
祛商賈頌焉非廉乎縞素自奉口不擇嗜體不擇華
居官三十載窶如貧儒曰以遺後非廉而能儉乎惟
先生具茲七懿百善咸臻是以方歸而民遮道入畱
旣去而民肖像以祠故曰豈可以聲音笑貌爲之哉
是故表其表表者而出之以眎來裔先生諱應仁字
子榮

公以正德十六年十二月十七日卒于家明年公子鄉貢士濤澡沐疏公知瑞時討寇之功以贈請大司馬覈功載叅賞格謂有遺報焉天子追贈公為江西布政使司左叅政於是公從子編脩灝備述公行來徵予表其墓上之石按狀公諱璠字廷瑞別號阿陵姓鄜氏其先世為廣東高要人大父諱福始徙任丘父諱觀政丞海鹽母尹封大宜人孀公時夢異人以犢角馬蹄磨身牛尾書其門覺而公生自幼以穎

瑞州府知府贈左叅政鄜公璠墓表

費宏

公以正德十六年十二月十七日卒于家明年公子鄉貢士濤澡沐疏公知瑞時討寇之功以贈請大司馬覈功載叅賞格謂有遺報焉天子追贈公為江西布政使司左叅政於是公從子編脩灝備述公行來徵予表其墓上之石按狀公諱璠字廷瑞別號阿陵姓鄜氏其先世為廣東高要人大父諱福始徙任丘父諱觀政丞海鹽母尹封大宜人孀公時夢異人以犢角馬蹄磨身牛尾書其門覺而公生自幼以穎

異聞弱冠學於莆陽陳乘善淹貫羣籍弘治壬子中
順天鄉試明年登進士出知吳縣下車卽有能名中
使道吳知公不可犯例給外一無所索或冒貴戚來
謁勢張甚發其奸并餘黨擬配朱氏子以販漆富謀
殺弟母曲庇之官數易弗得其情御史以屬公夜夢
所殺來愬語含糊莫辨似謂其嫂氏兄子害之公曰
是必斷其舌矣明日使人抉其口驗之果然獄遂成
御史神之邑五萬戶其貧富公輒知之及定役叅之
里甲不數日而竣亡以不均愬者閤門富室沈甲覩
避重差詐爲懸鶉狀匍匐庭下公曰若顧欲欺我若

夢訴
冤獄

嚮嘗紈綺而嬉於市謂我不能記乎遂惶懼自占上
戶蓋公嘗一見之遂不忘其聰明識事類如此在吳
八年奏蠲洞庭荒山之稅六千三百石梁西成之渡
疏普安歸涇之壅皆便於民闢學宮建武學公庾壇
壇祠宇其鉅麗皆加于故以忤權貴僅轉徽州府同
知吳士民數千伐石紀其遺愛暨至徽今大司馬彭
公方典郡一見莫逆疑牒輒移決焉武弁之獄恃貲
多數年不決及公至乃決郡俗送葬輿馬咸辦自喪
家貧者病焉寧緩葬至有三喪弗克舉者公以禮刻
期諭戒踰月葬者萬計壬戌進表入京故事率挾當

輸之稅利其羨爲道里費凡數百金公卻之道聞海
鹽憂歸終喪改金華俗器訟公嘗署篆郡庭閔然中
人家以厚嫁破產故女多不育公嚴諭之屬縣蘭溪
民居櫛比素弗戒于火乃拓其衢率五門潞水一甕
自是不復延燒邑人因命曰鄜公街正德丁卯以太
宜人憂歸終喪改河南初河南有督驛傳馬價于吳
者鄰盜竊其百金易以磚積封如故誤其所主且逾
歲公驗諸鄰竈有取磚故隙與所易合盜遂服郵于
河南故河南聞公翕然仰之嘗署篆事辨治如金華
辛未擢守瑞時盜魁陳福一等寨華林擁衆來犯公
親擐甲胄登譙樓禦之毒矢雨下殪三十餘人賊縱
火且逼樓公籲天風反賊乃退追數十里多所擒獲
總制都御史陳金竒之上其功嗣是築城浚隍爲固
守計又于治東之阜建明遠樓演武亭以時訓練嚴
賞罰勁卒日多壬申六月率衆薄華林分令僚屬營
于渚嶺于遠城于南北嶺檄鄉人隨城地分戍適獲
賊謀斬以徇仍焚近山之聚賊大懼乃分寨瑪瑙山
仙女嶺公復攻圍之擒斬無算福一等窮蹙率妻孥
降公卽遣降者攻其餘孽而陳于其後鼓行而前連
大捷蓋大小百餘戰公危死至再僕勤竟死之時饒

之姚源盜方熾提督都御史俞諫又檄公往剿公提兵夜入三十里賊謀知之曰瑞兵至矣相戒勿動旦日悉衆來犯公揮兵奮擊斬首數百叅將桂勇與公連營亦服公之神速暨還瑞盜復百人挾異術撼衆公殲之御史以聞 武宗降溫旨犒獎府而錦江春夏漲輒沒兩崖廬舍公廉得其故以市河爲豪強所侵悉力浚之濠患遂絕學宮燬于賊完舊新創鍾秀進賢昭文三樓拓倉址建官廨庠舍又建筠陽書院延經師以課諸生敞獄舍數十楹囚免庾死置黠吏及奸民于理珥筆之風少衰乙亥考績北上亡賴子

汪鳳等乘間縱橫公旋悉磔于市逆濠以親藩怙寵賸削郡縣屬邑新昌劉氏以富聞濠利其財遣校尉持僞券責償公密令抗而毆之一無所得乃譟而之公愬焉公曰彼敢抗親藩何有於郡吏耶某固靖民者華林幸輯而敢激彼使變乎濠聞恚甚欲致公以洩其怒公峻絕不爲所動又喻象賢者以非罪忤濠捕急連及姻友破數十家公庇之獲免濠知竭不得逞乃嗾當道罷公公曰吾活瑞百萬生靈功成身退抑復何愧當臥視此輩敗矣瑞民間公去徬徨若失父母乃建祠肖像事之里居數年猶問遺不絕公精

于吏事而每以儒緣飾彬彬可觀晚歸亦唯以觴詠
自適建阿陵書院日課羣從三子森然秀發所就未
可量蓋猶有未食之報云性孝友終其身與兄弟相
愛不衰仕宦幾三十年未嘗厚自封殖與人交洞見
肝膈而言議爽邁風格出塵爲政主於愛民終於靡
懈義所不可甘與時忤不阿徇爲自全計故雖爲逆
黨所中而君子則深惜之春秋僅六十有四

吉安府知府朱先生諫行狀

王健

蕩南朱先生諱諫字君佐蕩南其自號也其先世宋
嘉定間徙自閩居溫樂清之瑤川里遂爲樂清人七
世祖復翁以學行著稱我高皇帝之定鼎金陵也
詔訪山林隱逸士有司以復翁名聞然復翁業已歸
晦終身屢辭召不赴於是詔就其家授朝列大夫亦
異數云六世祖嵩仕爲山東兗州府同知高祖某曾
祖凱祖從慶皆長者不仕父鴉以先生貴贈南京兵
部武選司員外郎母侯氏封太宜人以天順壬午十
二月二十八日生先生先生而穎異有志氣不羣

羣兒嬉戲七歲能作課義有叔祖曰美者端士也教家嚴而有法先生奉教惟謹十二業舉子成章太守三山項公見而奇之因試補郡學弟子員名翹然起矣十七應鄉試凡五試不第而愈自奮勵嘗讀書郡城西禪寺終日閉門誦習約友數人者爲文字會當盛寒暑不廢也弘治乙卯舉鄉試明年丙辰登進士第授知歙縣其治鋤抑暴彊植立孱弱縣有人誘富民子而殺諸山谷中跡甚秘富人訟于縣久之莫能得也先生沐浴默禱于神神夜見夢翌日如夢捕得之縣稱神君幸菴彭公守徽目其行事嘆曰朱令殆

天才吾弗及也時直隸縣最稱歙縣治丁員外公憂服除改知豐城治如歙江西縣又最稱豐城縣治御史上其治績屢擬臺諫之選竟不果乃以勞積久次稍遷知武定州在州以事忤權貴人亟白逆瑾瑾怒將中以奇禍聞者莫不爲先生危先生視事自若曰禍之有無數也瑾其如我何會瑾敗免遷南京兵部武選司員外郎再遷郎中正德癸酉贛州境有賊棲大帽山山延袤閩廣千餘里中多溪谷賊憑要害時出爲民患朝議憂之士大夫或相謂曰非朱武選莫可守贛者於是部舉知贛州府事先生蒞任十餘日

卽舉兵壓賊境歷黃竹盤龍胡孫段子嶺諸寨鞞鞞
惟明甲卒惟馭廉其勤惰以時賞罰下令曰能捕賊
者卽與以所得賊貨官無取人懷利競赴敵旬日殲
渠魁數十俘其鄙數千百先生度賊窮蹙遣諭之曰
第降不汝戮也賊棄戈矛以首觸地流血曰公誠幸
而丐我餘息者不敢復有異志矣因散置於安遠龍
南諸處給之牛糧賊感激遂爲良民居無何部議更
才賢例移知吉安府吉安江西巨鎮素號難治又豪
惡數家者投倚逆濠爲虎狼境中前後二千石皆憚
濠置不敢問先生旣至憤然曰守何爲者而能坐視

鼠輩橫如此也且王府何與矣悉械繫之治如法
怒思有以中素服其威名忍未發然是時濠叛謀
成先生計卒難告變則儲餉募兵浚滄脩垣人莫測
其故會丁太宜人憂歸歸二歲而濠果叛御史中丞
陽明王公旣稔知先生至是謀討濠曰吉朱守之所
預備者也舍是安所圖功乎乃趨吉發兵俄義兵四
集濠就擒陽明嘗移書歸功先生頻頌曰宗室負恩
古今大惡不幸而吾慮中朝廷方流涕行誅敢以爲
功耶服除自以仕途寡諧卽決志謝事結廬鴈山臨
眺廣宇徘徊茂林條然有塵外之懷焉時年五十有

四子弟或進曰竊聞大人所歷仕地民謳歌思德諸
縉紳識與不識又咸想見光采世未忘大人也大人
何忘世哉先生笑而不荅然間遇達官貴人過從輒
復取古今治亂興衰之迹聖君賢相之業相與諏講
言及海內多難則又未嘗不慷慨太息也凡優游林
下者二十有六年嘉靖辛丑初夏病作諸子煮藥以
進輒揮去之曰吾以儒生致位四品此豈非命乎古
人有言命乃在天何謂藥也越兩月以六月十三日
卒享年八十先生孝友純至處三黨悉有恩意與人
交不立崖岸人無賢不肖見者樂其易與或以事質
立斷可否雖素違忤者不爲異性不嗜酒宴賓客必
盡歡自奉儉約服食器具不擇鮮美至少有餘積輒
施以利人嘗見芳林嶺峻嶮人苦負挽卽於海濱平
衍處甃路餘三十里所居東山外有渡當鄞台甌括
之衝水駛而深庚子冬溺死餘五十人躬往撈瘞其
屍命季弟清江令誥造巨舟移渡山內行者便之諸
如二事類者甚衆矣蓋其天性固然非若末世有所
矯而爲者其爲詩歌興趣所到對客揮毫略不經意
而文人墨子經日時雕肝腎或反不及雖以是擅名
藝林非其所尚居常究心經典方其在豐城也虛齋

蔡公督學江西與論諸經及河圖洛書之旨至夜分握其手曰吾始見君製作謂爲詩家繼見政事謂爲能吏乃今而知理學中人也其爲世儒所推許如此晚年造詣益深凡前人有疑未解者必爲參互以求證微詞奧義多所發明所著有學庸圖說李白詩註宋史辯疑詩評鴈山江心二志生平氣壯神完迨老垂髮至地雙目明秀步履便捷每客至奕棊放歌通宵不倦故今有語不假吐納導引而得養生之道者必歸於先生云

建昌府知府蘇君錫基忘銘

邵寶

君諱錫蘇其氏介福其字別號槐軒世爲山東濱州人父瑁貢入太學授獲嘉縣學訓導以君貴封監察御史母鄭氏封孺人君幼穎敏甫十歲見古人詩詞豪壯者一二讀輒成誦對客歌之有激昂振迅之意旣而侍監察公于獲嘉時吳御史天弘爲邑每課試諸生必召君偕見君所作嘆賞不置成化丙午君與其兄銓歸補州學生銓有疾君日夕侍湯藥以進伺意所嚮而寬慰之銓沒君哀痛幾絕於是嫂田氏少二孤方檣祿君撫之慈田忘其寡焉居數年監察公

虞衡錄 卷八十七
休官家居君求靜地卒業弘治乙卯領鄉薦己未登
進士第授直隸太湖政積弛君初至振以嚴肅再甚
而濟以寬其自勵清勤始卒不變四年巡按上君治
狀召拜山西道監察御史奉命按視山海等邊關倉
儲廐馬稽閱惟謹蓋所至著風裁焉正德己巳有議
革巡撫官者於是君方以才力稱于臺乃有江南之
命蓋其權實視巡撫君毅然當之惟民惟國不顧權
勢厥旣巡行蘇松諸郡見其賦繁而弊滋也乃立調
區之法嚴加耗之令宿奸震懾人因稍蘇或以弊告
君曰矯枉必過直吾嘗聞諸古人凡吾所舉蓋以濟
時也他日將不更有濟之者乎聞者說服未幾以母
憂歸旣終喪復任擢知建昌府君素著剛明聲民望
而畏之君曰守令同體建昌之民卽太湖之民也至
郡詢諸民曰利施之曰害罷之不疑不沮事用和輯
郡中民居櫛比先是屢火君求古人火政爲備甚悉
其他備預事多類是撫巡藩臬稱良守焉在官九閱
月而病又三月卒年四十六

其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六
其出而後又三日卒年四十六

江西建昌府知府少岷曾公塹墓志銘

張佳胤

武宗朝吾蜀數君子者起咸尚文章氣節而江陽少
岷曾公其一也余為童子時聽學士長老誦說公名
德如隔世人嘉靖丁巳走江陽為先府君乞墓銘於
楊用脩先生始奉公几杖公亦接引後進談學術經
濟灑灑有致公歿後二十八年而公之子某考功君
持狀以誌銘請豈以余受公一日之知耶余客江陽
時聞公父某以公貴受封遂稱封公其人倜儻重
義數急人之難嘗拾遺金於道必伺亡金者授之能

詩文著有乾峯稿乾峰在合江縣去郡可二百里而遙縣西有安樂山千巖萬壑競秀爭流中爲洞爲臺爲峰爲盤爲嶺爲泉爲峽爲城爲室卽山經地紀所不能臚列封公則樂之遂卜居終老而少岷公舉矣公生奇穎殊凡兒稍長卽以正學自任十四歲補博士弟子每試輒高等郡侯爲築別業於鳳儀山以居之公益肆力於古今之學尤精書法得帖意時威茂兵憲王某者聞公名欲召置西塾督學蘇某曰曾生非可檄往也宜禮聘之公應聘往因登大岷青城諸山西眺湔氏東眺汶瀆胸中吞其八九而歎曰大岷之外可稱配林孰與吾家安樂日相從几席間也遂易安樂爲少岷山因自號云正德丁卯舉省試第五人明年成進士授戶部江西司主事時逆瑾爲政縉紳趨者如市公不惟無所投刺間有言觸之會瑾執不附已者跪午門外而公幾不免尋權稅清源以廉明稱後轉員外郎中條上大司徒八事曰革皇庄裁冗費禁濫支減廐馬清鹽法停鈔法明徵納禁使用蠲門稅重漕政大司徒稱善而卒不能行其言丙子知府建昌公益脩循良之業上劑益藩下悉民隱立社學建書院羣弟子而考德問業盱水之上洋洋如

廣德錄 卷八十七
也郡有兩芙蓉山多淫祠妖術橫行公廉得其首付
諸理毀淫祠以祀伍大夫李旰江岳武穆郡俗遂變
其他發閩人王政胡添三詐僞正豪民梁 敖十九
殺人罪暴妖術連世勲父子屍伸雪良民羅增寃抑
然皆非公之大者惟是寧庶人謀不軌要脅諸司莫
敢不爲壽以求免公自持如常會省城變起公遣健
卒間道走上變又自帥兵兼程詣軍門陳擒勦七策
王文成采之合兵火攻又慮九江南康業已從逆不
分道擊之則援兵爲梗文成檄公取南康斬賊首謝
天一等四百八十餘級又自王家渡同廣信守周朝
佐斬獲賊三百三十餘級釋脅從者八十五人寧庶
人遂擒當公勤王時與母鄧恭人永訣誓與賊不共
天卒能成社稷功王文成亦敘公勞烈而竟不錄先
是寧庶人膏腴苑園屋廬多爲豪所侵中丞鄭某者
檄公一無所徇盡返之旰郡有巨室欲齟齬麻姑山
公裁以法又上叛逆疏內有省內奸邪顯附陰結語
繇此忌與怨交集咸爲蜚語中公不免矣然旰人至
今尸而祝之益信天理人心未泯如此公以庚辰垂
橐歸移居江陽郡城購茅齋數楹藏書數萬卷日坐
其中手一編以著述自快中丞劉公大謨御史金公

深交薦公可大用不起著有聖學會通河圖洛書解
春王正月考歷代史評論心學論樂律論數學論氣
化皆發自契悟無所勦襲其要歸於精實歲旱課耕
靜觀雨暘之故雩禱之節又著召和錄脩川東志精
核有體爲文高峻豐達一本六經行乎意之所止而
不沾沾蹈古人語所與交者如王伯安何仲默鄭繼
之呂仲木皆當世偉人也楊用脩白首戍滇欲歸蜀
爲首丘計乃不歸新都而卜宅江陽以就公相與賡
酬甚盛然公意在經學思成一家言以詔來者其於
題詠劄記則隨意小赫號成章草畢亦隨散逸今存

者皆諸子私錄特百之一二耳故名拾存篇云生成
化庚子三月卒嘉靖戊午十一月年八十歲余爲諸
生時邑先達有都運童養之先生蓋鄉之樸茂長者
其父諱琦仕爲瑞州通判正值寧庶人變起通判公
亦嘗督師擒賊以功陞四品秩都運公嘗語余言江
西討賊之役有幸而功者有不幸者幸而功者
難言之若功而不幸者吾鄉曾公是也都運公侍父
任得於耳目者真且都運公平生寡言言必有中余
聞而咨嗟久之夫公豈惟功不錄竝其所固有者而
奪之何以勸忠余謂公時曾述此言以質公公笑而

不答嗚呼可以知公矣

公諱以方字義卿別號西溪先本廬陵人七世祖諱
賢可者仕元沅州路通判因家黔陽之安江子繼祖
入國朝隸尺籍徙靖州衛生仕良是為高祖曾祖文
勝祖誠皆不仕父玘贈戶部主事母周封太安人娶
馮封安人公年十三補州庠弟子員十七領湖廣鄉
薦弘治十八年舉進士授南京戶部河南司主事至
司攝篆閱後湖圖籍尋權新河稅立法釐弊有冒禁
者置之法時逆瑾用事怙勢求脫部侍郎欲貫之對
曰寧免官歸敢廢法乎諸璫銜之以他事按捕胥隸

瑞州府知府宋公以方傳

張邦奇

公諱以方字義卿別號西溪先本廬陵人七世祖諱
賢可者仕元沅州路通判因家黔陽之安江子繼祖
入國朝隸尺籍徙靖州衛生仕良是為高祖曾祖文
勝祖誠皆不仕父玘贈戶部主事母周封太安人娶
馮封安人公年十三補州庠弟子員十七領湖廣鄉
薦弘治十八年舉進士授南京戶部河南司主事至
司攝篆閱後湖圖籍尋權新河稅立法釐弊有冒禁
者置之法時逆瑾用事怙勢求脫部侍郎欲貫之對
曰寧免官歸敢廢法乎諸璫銜之以他事按捕胥隸

恐不敢往日無憂也我得以公道白之璫竟屈服正德三年丁父憂服闋留戶部陝西司主事尋給餉宣府歸其羨於官歷攝諸司監督部廩兼理鹽法六年准江州稅至則創置循環曆歸稽於部且揭榜於門刻以定數示無毫髮私江湖千里至今猶傳頌焉七年還京陞福建司員外郎僉總太倉通州京儲度支九年請改官南都以便養不允時戶部以邊儲告急尚書思料理須得人特奉勅清查兩畿積逋十一年陞山東司郎中再奉勅視事如故十二年出守江西瑞州府瑞古靖也公始下第嘗泊舟鄱陽湖口夜夢

一吏持檄授曰帝命汝守靖州應曰吾鄉土也涉嫌請辭吏去復來曰非命汝作靖州守命汝靖州作城隍也寤不可解者二十年至是閱郡沿革志乃始知爲靖州而城隍之說幻不可曉占者謂瑞無城池蓋帝使汝爲創之以保障茲土也然瑞自華林兵燹後民疲法弛教隳士逸公蚤作夜思勵心圖理明刑飭政之暇每臨學宮進諸生講論擇年少質茂者爲延師而教之多所成就是時寧庶人宸濠已弗靖誘引華林逋寇匿之西山夜肆劫掠公每捕之抵於法旣廉得反狀恐一旦有變郡無城可恃乃以贖金萬餘

兩創甃之崇廣完密儲粟數千石度可爲戰守計瑞始設民兵僅千人乃復益以募兵三千人日爲訓練以及可使申嚴保伍之法以潛奪竊發之魄凡濠有事於瑞而厲民者一切峻拒之先是濠以非法中人當道檄南昌推官會按其事公爲平反按者數諷以禍福斥曰吾肯殺人以媚人邪益見忤於濠十四年甚令撫鎮劾公稽命怠事聽就逮問憲檄屢至知不可已乃行郡之父老遮道留曰寧藩固將以是阱公公柰何舍我去乎曰君命也安敢不往封疆之臣死於封疆吾之自許久矣遂拂衣而往至中途召屬

吏手書云云與之若訣焉比至省時六月十三日也遂下南昌獄明日濠突稱兵反兵入南昌破獄執之戒繫隨行呵令從反應曰吾有死爾制之益固舟至鄱陽湖望康郎山曰吾得死所矣遂奮罵投水而死年四十四或曰城隍之夢至是破矣其孤崇學崇簡聞難奔赴沿江號血求遺骸不得乃斂衣冠齒髮以歸瑞人胡叅議謂公忠烈不可以無表見請於巡按浙江御史唐鳳儀上其事行江西覈實已而舟師來者言死事甚悉而瑞之郡縣兩學諸生復相繼以爲言湖廣分守叅議王公特立木主送附鶴山魏了翁

祠瑞亦奉祠名宦之列嘉靖五年崇學等具疏叩
闕下禮官明年巡撫湖廣都御史黃公亦移文江西
會題而巡撫都御史陳公特為上章請錄遺忠吏部
侍郎孟公具題贈公光祿寺卿仍蔭子入監讀書賜
祠額立祠江西歲時致祭典至靖州知州丘君慨以
忠節大義當風鄉閭於是胥地立祠於鶴山之陽嗚
呼忠孝天命也若宋公之事克迪帝命徵夢於彭蠡
則又其焯焯然者然人之效忠身死則亦已矣公死
而精靈氣魄固當與瑞之山河土地胥配於無窮而
其英風義槩激於人人凡為臣者孰不益固其屏衛之心天之所以命公豈不偉哉

贛州守康君河傳

許宗魯

康君名河字德清家於武功居漳水之濱因號漳川
居士少質秀發長嗣家學與其從兄脩撰海兄員外
浩皆以科第後先興起君治詩能得詩人旨與發為
詞章婉麗溫厚正則平達觀聽者感懲革化風被為
多論者謂其得詩教焉故以之飾吏則司儲司稅以
及典郡培本抑末通商裕賦植善布惠才賢之稱播
於郎署著於郡國顯奕宏肆駕出流等古云不器君
居之無忝焉然性爽介與人不瓦合方其居業與同
業者評第文翰銓秩人物時出奇見以折人務奪其

氣乃已比其八官乃益殫才効職不畏難不辭勞不
避嫌不規利故由之馳聲亦以之賈怨然其心則自
負無悔也至其解仕而歸脫棄塵俗放情丘壑期反
天真一切世務蠲屏無遺奄然歸盡略無嬰繫謂非
明哲鮮克如此於乎賢哉君中嘉靖壬午鄉試癸未
進士歷官戶部主事晉員外郎再晉郎中出守兗州
移守廣西內徙贑州病歸而卒年止五十有五子楹
桶孫承吉論曰邵故有周之都邑古文獻之所萃也
其山川炳靈代育聞人載在史錄彬彬然盛矣肆及
我明康氏特鐘其美司空震發歷世丕承內翰魁一
地官嗣光太守纂映海內家聲靡有甲於康者而文
藻節行並轡前脩示型末學旣偉且煥矣乃皆振迅
未幾沈鬱旋至人邪已邪時邪勢邪益不可究竟矣
志曰君子惟世之名匪世之榮久近之謂耳夫是則
吾於滯川君也何憾焉贊曰滯川湯湯世澤流長有
美少康白眉秀良誕鐘厥祥用賓於王筮于曹郎典
於大邦不極其光斂而歸藏龍蛇其行屈伸孔臧楹
桶嗣昌肯構肯堂慶祉煌煌維休無疆

公諱敕字惟允別號棠野廣之東莞人南宋有銀青
光祿大夫者始遷自南雄六傳至高祖以泰高年被
徵不仕曾祖振宗鄉稱長者妣李氏祖秉剛有行累
贈奉直大夫戶部員外郎考順為時名臣累官江西
左布政使贈通奉大夫前母鍾氏贈宜人母廖氏封
大夫人公五齡通論語諸書十有二為詩文有奇語
十有五而春秋業成踰冠領魁薦于鄉即藏脩不出
慕濂溪延平為之贊師其心學充養日粹後進多從
之遊久之逆瑾誅乃北上正德丁丑再試登第賜進

饒州府知府祁公墓志

黃佐

公諱敕字惟允別號棠野廣之東莞人南宋有銀青
光祿大夫者始遷自南雄六傳至高祖以泰高年被
徵不仕曾祖振宗鄉稱長者妣李氏祖秉剛有行累
贈奉直大夫戶部員外郎考順為時名臣累官江西
左布政使贈通奉大夫前母鍾氏贈宜人母廖氏封
大夫人公五齡通論語諸書十有二為詩文有奇語
十有五而春秋業成踰冠領魁薦于鄉即藏脩不出
慕濂溪延平為之贊師其心學充養日粹後進多從
之遊久之逆瑾誅乃北上正德丁丑再試登第賜進

士出身例得歸省庚辰始赴銓拜刑部貴州司主事
會季兄政上春官没于途卽移疾護其喪歸家居慎
脩督學魏公校至邑臨訪與語稱重之因謂師生宜
以爲式甲申詣京復除刑部福建司主事七月伏闕
諍禮得罪獲釋尋晉階承德郎賜恩父母及妻其於
庶獄詳讞明允廷尉稱平三載以績最聞丁亥晉本
部雲南司署員外郎迭署諸司印受知尚書胡公寧
委以章奏六月晉本部四川司署郎中平反公恕都
民謂之祁佛爺嘗辨曹恕王良弼獄知爲岳民張雄
所誣立出之公餘益績學名其齋日新作箴以自警

戊子鄉試初簡廷臣學行者主各省文柄公受命往
廣西考校比入彀皆名士而錄文亦甚馴雅事竣取
道歸省有司致齋一無所受晤總制陽明王公于廣
輿論窮神知化大旨王公稱服語人曰祁正郎深於
養者也抵家無何卽拜饒州之命單車往視事少保
桂公萼素重公適桂家居然未嘗敢私謁時方習鷹
鷲聲爲能而公雍容裁斷讞獄輒得其情出無辜者
百餘人民驩呼以爲神明自是舞文吏無所售其奸
而訟日簡會水旱薦飢躬檢踏以聞得蠲常賦民賴
全活甚衆乃嚴儲水法脩預備倉革排門夫役令下

民皆稱便復增築鄱陽白馬隄浮梁胡白渠皆不擾
而事集嘗議鑿井濟因暘忽泉湧東廡下士民謂公
德所致名之曰應德泉而歌詠之暇則臨學與諸生
談道置簿以楊善紀過恒獎其勤而賙其乏凡廟器
射圃脩飾完備弦歌俎豆藹然改觀每月且令父老
集于社學訓戒子弟置沒官田以爲館穀費按治下
其法于諸郡縣俾踵行之義士閔穆劉聰葉賢仕暨
張李二節婦皆見旌獎增祀鄉賢于學官又別祀于
其鄉社皆前此所未及舉者其表正風俗此類也准
府官校豪橫稍加戒諭卽詣謝求自新首相姻家有
爲訓導者謀補教諭員缺沮以大義當道報可輿論
挾之公橐舊有可私入者如吏員新叅鹽商稅船及
存畱耗糧歲不下數千金盡皆釐革其正絮又多類
此部使者考核治行爲列郡稱首疏于朝饒人歌之
曰有影黃堂月無痕碧水秋至有私祠于家者時有
命燒造郊壇磁磚限毋過七十日或獻計謂以土爲
胚筋之以磁庶可易成公恐欺君俾工匠如法爲
之俸不能就及達赴詔獄怡然就道凡覩者悉卻之
士民遮泣不忍別形諸歌頌其卷曰一磁不持云及
抵京師法司以公賢能議罪從輕上覽奏遂謫

貴州婺州縣典史公殊不以夷險介意南還渡揚子江盜至舟人惶駭公端坐自如盜驚歎而去壬辰九月行次袁州感疾歸就醫疾亟猶冠幘力止家人禱穰臨終惟以太夫人爲念而已距其生成化辛丑十有一月二十一日壽五十有三聞者莫不傷邦哲云亡惜其用之不究也公天資端重事父母孝謹與朋友和易有終接人無貴賤親疎一於誠慤周恤患難如恐不及嘗躬治翟典史德瑞余同知昌期喪同官石主事英中坐罪當死每周旋營椽外祖廖公無繼嗣爲之立後仍予祭田二十畝尤潛心義理之學嘗

自誦曰士君子求不失此心而已進退榮辱有命存焉故居恒冰蘖自持未嘗有分外之積晚罹降謫亦未嘗色憂評者謂通奉府君左遷貴州石阡守後至方伯公之謫實酷似而遽止於是嗚呼其命也夫

建昌府知府張公絃墓志銘
公字絃字文儀別號約齋
曾大父瓊大父翰父忱贈南京工部員外郎母黃贈
宜人公以庠生領弘治辛酉鄉薦登正德戊辰進士
知桐鄉縣又知高唐州進工部營繕司員外郎陞禮
部祠祭郎中以疾在告改工部屯田司俱在南京擢
知處州府調嚴州卽抗章致仕用薦起知建昌府此
其履歷也公少孤貧嘗躬耕以自給然講讀不廢值

建昌府知府張公絃墓志銘

方鵬

嘉靖壬辰建昌府知府張公述職事竣南還便道過
家以疾卒寔九月十一日也年六十有四明年癸巳
有司舉祀鄉賢祠公姓張氏諱絃字文儀別號約齋
曾大父瓊大父翰父忱贈南京工部員外郎母黃贈
宜人公以庠生領弘治辛酉鄉薦登正德戊辰進士
知桐鄉縣又知高唐州進工部營繕司員外郎陞禮
部祠祭郎中以疾在告改工部屯田司俱在南京擢
知處州府調嚴州卽抗章致仕用薦起知建昌府此
其履歷也公少孤貧嘗躬耕以自給然講讀不廢值

歲大疫一月遭七喪營塋皆不越禮待其弟與弟之子曲有恩意開門授徒多所造就今陸司成子淵則入室者也其在桐鄉以清簡爲治民甚宜之部使者上其治行檄召至京尋復外補其在高唐適流賊蹂躪州境公於城外設重門建敵臺阻以深塹繚以長堤與民守之賊不敢犯蝗復告災下令捕蝗若干易米如其數民爭趨之歲則大稔已乃興學校表貞烈掩穹發之金斥羽流之妄尤播人口及守處州守以清簡爲治民又宜之去之日攀臥涕泣追隨山路者幾千人及守建昌藩府鼎立大獄蝟興調度有方民

徐臨江顥墓志銘

吳鼎

君諱顥姓徐氏初字希道後更子淳別號龍山云世爲杭州錢塘人曾祖克敬附籍仁和於是更爲仁和人祖誠考聰以君貴封承德郎南京刑部廣東司主事母潘氏安人君生弘治八年八月丁卯幼學胡氏春秋穎敏絕人屬文弘肆下筆輒千餘言年十八爲郡學生明年卅角應試才名已籍甚矣正德十一年舉鄉試高等十五年會試中式明年辛巳今上初策士賜進士出身授南京刑部廣東司主事廣東司職理京畿訟獄號繁劇難治君旣明察強力有執守日

虞從錄 卷之二
孜孜究心法家言踰年大閑習所書獄辭老吏不如
也同舍郎有疑獄多就問君君咸爲代剖無不如其
意所欲出諸郎咸自以爲弗及由是練達刑名之譽
奕奕播留都間而顧恥以刀筆自居折節講學慨然
慕程明道朱晦菴之爲人君素倜儻不羈高論時出
人意表至是一變頓爲沉默簡重意氣雍容如也嘉
靖五年進本司員外郎尋轉貴州司郎中就署內建
澄心亭暇輒靜脩于中七年聞承德君計去職起復
除刑部陝西司當是時蘭溪唐公爲少宰延訪天下
奇士上多推轂徐君者唐公就見君驟問責難於君

賴弗擾雖政有繁簡任有久近然所至稱循吏焉此
其脩於家用於世者也竊嘗評公心跡篤寔而朴茂
恭儉而清苦閤然若愚退然若虛六外易與耳然其
中執守堅定不爲利搖勢奪者則人或莫之知也宜
銘以昭之銘曰剛而壯頌悻悻自好柔則繞指亦侮
之召孰如張公懿德雅操確然其心隕然其貌外若
無忤中不可撓行已蒞官率由是道有幾者祠在鄉
之校俎豆其間寔補風教我懷伊人胡不大菴琢辭
墓門爲來者告

遷拜臨江太守躬勤庶政常夙興以矯游惰擿奸發
伏如神吏民莫敢欺他如去門卒通塞蔽刻題名表
官箴作郡志記文獻祠旗纛脩武備皆井井規畫利
當時而法後人赫然良二千石矣而達官貴人取道
臨江泊舟去府治且三十里君雅意不游聲譽非大
事弗出郭要人情託輒拒之曰寧負權臣不負吾民
又郡中貴彊之家抵禁痛繩以法不少貸治郡幾五
載不遷考績行過家居兩月一疾遽卒時嘉靖十五
年辛卯年四十二矣悲夫君少時善飲酒承德君誠
之絕口不飲及鹿鳴舉觶猶以未奉父命爲辭承德
君嘗患怔忡疾君事之湯藥消息曲當其意不解衣
半歲父沒而養母太安人躬備甘毳家事必稟進止
廩祿貨財悉委於三弟願頰頡而傾囊助頡輸資爲
太學生其內行脩謹如此

大學士具由以請
皇朝實根悉委外三
半歲文數而養母太
以書思此轉飛快事
文然其意出當共
意下

大中大夫蔣公坎墓表

王升

余童時輒聞姚江蔣大夫公名比稍長偕公仲子祠
部業成均誼好日密始得諗公履歷既而舉於鄉與
君同舉禮闈又同聞公行事益詳而誼好之敦彌篤
非他世講家比也一日祠部君持公行述暨少宗伯
孫公狀徵余表其墓公諱坎字養孚號澄江蔣之先
以周封國為氏苗裔繁殖歷漢唐多顯人著于宋者
諱浚明與弟浚德子之奇為最浚明官金紫光祿大
大而之奇拜亞相並稱名臣九傳曰彥祥元至正間
簽判姚中遂家焉公七世祖也公諱拭以子貴封兵

部職方司主事母劉氏贈安人以正德丁卯十一月十七日生公于太平里登嘉靖戊戌進士授兵部武庫司主事丁內艱改除職方司轉員外郎尋晉車駕司郎中遷知江西瑞安府遭外艱起補臨江府其初爲主事提督武學不徒取具課程親授諸生韜鈴指畫方略如小諸掌出其門者多著武功如孫都督其最也 大一殿工興大司馬遴公董其役公覈諸奄占役冒支弊中人怒計欲中公公覺之豫發其奸獲免上竣蒙賚銀幣後補職方逾三年報政令劔漁石唐公中丞白川周公皆注上考二公一時名臣最慎

許可以是知公之器不凡矣其爲駕部故事使客給關支率由車駕司公銳意節省任怨不恤無所徇假請符者往往不悅先是中官以覈冒支銜公至是以裁符故中官愈不能堪遂詭挾若逮公者意公聞逮懼選英縮胸卽辱侮公脇取符耳公則挺身往將爲扣關狀奄輩計沮皆散走或更爲好言解之其矯矯風節類如此總督曾石塘公建議復河套詔廷議之廷臣多顧忌相視莫敢先發公獨上書十七事鑿鑿皆攘胡大計切中機宜雖寢不行而朝論躉之出守瑞州瑞俗好訟訐難治公剛明剗割若烹小鮮有部

下巨猾熊騰峰者把挾官府屢中以危法上高黃令
性朴而踈任僅三月以賊罷免公閱招辭知黃爲熊
中乃召其邑父老讞之交口寃黃遂全黃而誅熊瑞
人萬口稱明嗣補臨江臨瑞皆左右地俗習相沿公
以治瑞者治之政聲大起歲亢旱禱雨雨輒應或夢
得刼殺耕牛計捕得盜屏迹郡有蕭灘驛衝甚時分
宜權熏灼天下子姓往來相屬雲焱蠶軼傳騷弗堪
前守率厚款遇公獨御以常憲不少假蓋與裁中官
符若出一轍而此爲尤難然公高有聲望而兩臺交
薦者多以此而竟觸忤當路媒孽罷官以去其子勸
能舉進士爲主客司副郎所謂儀部君與余同年者
也尋蒙恩復公職致仕再晉中憲大夫復例進階
中大夫卒於隆慶四年四月二十五日閱世六十有
四配黃氏封安人嗟乎以公之風猷志節卽屬以天
下大事當必有卓自別樹接軌古名卿者而竟不究
厥施蹶不復起夜光按劍合抱蒙擯自古嘆之然卽
其見于爲郎爲郡者若此已足爲世之媿媿軟熟者
風矣矧有賢子繩其武而光大之則天道惠吉終非
潛忒復何憾哉復何憾哉

...

...

...

...

...

...

...

...

...

